

الطريق إلى حسن الخاتمة _ لايف الإثنين _ من القلب للقلب _ م علاء حامد

علاء حامد

الحمد لله واشهد ان لا اله الا الله وحده لا شريك له. واشهد ان محمدا عبده ورسوله صلى الله عليه وسلم اما بعد انا ازعم في البداية وانتم قولوا لي رأيكم في اللي انا بقوله ده دلوقتي - [00:00:00](#)

ان ما فيش ناس على مدار التاريخ قامت عليهم حجة الله سبحانه وتعالى في موضوع الخواتيم مثلنا يعني احنا اكتر ناس في التاريخ شافت خواتيم وقامت علينا الحجة بهذه الخواتيم - [00:00:19](#)

ولم تقم على احد مثلنا ليه انا بقول الكلام ده زمان كان اللي عايز يشوف خاتمة او اللي ربنا يكرمه يشوف خاتمة كان في العادة يا اما بيحضر ميت او يحضر آآ احتضار - [00:00:43](#)

او يعني ربنا قدر له يشوف حادثة يشوف حد مات فبتبقى اه فبتبقى العملية في في حدود آآ يشوف خاتمة اتنين ثلاثة في حياته كلها وبيفكرها وبيعدها لكن احنا دلوقتي - [00:00:57](#)

اصبحنا مع وجود الكاميرات والتواصل وسهولة نقل الفيديوهات مع وجود الكاميرات المالية الشوارع والمساجد والمسارح والكابريهات والمطاعم بقينا يكاد ما فيش حد بيموت برة بيته الا وبيتشاف. يعني وبيتسجل لايف ازاى مات - [00:01:17](#)

وبقيت انت دلوقتي العادي بتاعك. ان انت بتقلب كل يوم في الصفحة بتاعتك في بتاعتك. يكاد يكاد كل يوم بتشوف خاتمة اتنين ثلاثة مجرد بس ما بتفتح الصفحة بتشوف اللي مات وهو ساجد بتشوفه لايف بيموت وهو ساجد. زي ما انا نشرت لكم آآ الفيديو الاخير دوت. بتشوف - [00:01:44](#)

اللي مات وهو بيشم جرعة زائدة من المخدرات واصحابه هم اللي مصورينه. بتشوف اللي كان في المسجد بيصلي في الصف سجد ما ده شايفينه لايف بالكاميرا متسجل كل حاجة. بنشوف - [00:02:09](#)

اللي مات على مسرح وهو بيغني. بنشوف يعني كل حاجة يعني. يعني يكاد خلاص كل حاجة بقت علانية ما بقاش فيه خاتمة تقريبا بتخفي علينا. وكل حاجة متصورة. انا فاكتر زمان لما كنا نعمل درس دعوي - [00:02:26](#)

آآ عايزين مسلا نأسر على الشباب وكده. فكنا بنحاول نعمل لهم درس مسلا في في حسن الخاتمة وسوء الخاتمة والكلام ده. انا فاكتر كان لي درس قديم كده يعني ما اتسجلش يعني - [00:02:45](#)

آآ كنت بايه آآ بجيب مقاطع من على النت كده آآ فيها الخواتيم واحاول ايه اثر بها على الشباب. انا اذكر زمان يعني الدرس ده مسلا كان من خمستاشر اهلا وسهلا. آآ كنت بادور بصعوبة يعني عشان الاقي على النت خواتيم. كان هي محفوظة وما فيش غيرها ومعروف كم فيديو كده معروفين. لأ دلوقتي اكتب بقى - [00:02:55](#)

خواتيم اكتب مات وهو يصلي اكتب ماتت وهي ترقص اكتب مات وهو مخدرات هتلاقي مئات الفيديوهات الان موجودة على قضية الخواتيم ديت فالى متى يعني احنا بنشوف كل يوم كل يوم والموضوع وصل لصحابك وقرايبك وناس معارف بتشوف اللي عاش - [00:03:18](#)

لحاجة فعلا مات عليها. وبتشوف فعلا يعني حاجات انا واحد قال لي ويمكن انتم حد فيكم حس الموضوع ده. قال لي عارف الشيخ الفيديو الاخير اللي انت نشرته بتاع الشاب اللي مات وهو ساجد - [00:03:38](#)

انا بكيت فيه قال لي انا شفت فيديوهات كتير خواتيم سيئة ما بكتش بس لما شفت الشاب ده بيموت وهو ساجد بكيت بكيت لان انا اشتقت ان انا انا لي المنزلة ديت - [00:03:54](#)

خايف مش خايف من سوء الخاتمة على قد ما خايف ان انا اتحرم من حاجة جميلة زي ديت. ان انا اقصر تقصير حتى لو مت كويس او بخير اتحرم من حاجة كانت اعلى. كانت اجمل. كان ربنا ممكن يوصلني لحاجة اعلى. بس انا بتقصيري اتحرمت منها. فيه ناس بيأثر فيه الخاتمة الحسنة اكثر من الخاتمة - [00:04:13](#)

ودول اولياء الله اللي هم فعلا بيدوروا على الدرجات. مش بيدور ان الدنيا تمشي والسلام. لأ بيدور انا ازاي اعلى اوصل لاعلى درجة عند الله سبحانه وتعالى فلما بيشوف حد سبقه ولو بسجدة ده بيحزنه - [00:04:33](#)

وببخليه يتألم ويتحسر على نفسه مش مسألة حتى لو هو رجل صالح بس يقول لي ياه! هو فيه حد كده! هو انا فيه مش كده! انا امتى هابقي زي الناس دي! انا ازاي اوصل لكده - [00:04:50](#)

وده اللي بيخلينا نبدأ بدايتنا النهاردة مع الاية العجيبة التي في كتاب الله سبحانه وتعالى قول النبي قول الله سبحانه وتعالى يا ايها الذين امنوا اتقوا الله يا ايها الذين امنوا - [00:05:03](#)

اتقوا الله حق اوقاته ولا تموتن الا وانتم مسلمون. انا عايزك تركز في الاية دي قوي وايضا قول يعقوب لبنيه ان الله اصطفى لكم الدين فلا تموتن الا وانتم مسلمون - [00:05:22](#)

هنا نيجي سؤال مهم جدا ايه هو السؤال؟ السؤال ازاي ربنا يأمرنا بحاجة هي مش في مقدورنا دلوقتي يعني ايه؟ يعني ربنا بيقول لا تموتن الا وانتم مسلمون. هو السؤال هو انا ينفع اختار موتي؟ يعني انا ينفع - [00:05:41](#)

ان انا اختار الموتة اللي هاموتها. هو انا ينفع احدد ان انا هاموت مسلم ولا لأ؟ ده ما اقدرش عليه. انا ما اعرفش. انا ما اعرفش هموت امتى. فازاي احدد - [00:06:02](#)

الحالة اللي هاموت عليها اذا كان المعاد نفسه مغيب بالنسبة لي. فده المفروض يستفزك. يعني الاية دي تستسيرك. ليه؟ ازاي ربنا بيقول لنا موتوا على حال معينة انا ما اعرفش هموت امتى - [00:06:12](#)

وبالتالي حاجة زي كده بتخليك تفكر هو الامر ده بيتنفذ ازاي يعني ربنا بيقول لنا لا تموتن الا وانتم مسلمون. اذا في حاجة وراء الامر دوت قابلة للتنفيذ تساعد على تنفيذ هذا الامر - [00:06:25](#)

ايه هي الحاجة دي؟ الحاجة دي عيشوا على الاسلام تموت على الاسلام. عيشوا على التوحيد تموت على التوحيد. عيشوا على الطاعة تموتوا على الطاعة. وايضا اية تانية بتلفت انتباهك جدا في سورة اخر سورة الانعام. قول الله سبحانه وتعالى - [00:06:42](#)

قل ان صلاتي ونسكي ومحياي ومماتي لله رب العالمين اه لو اللايف قطع لاي سبب يا جماعة هتلاقيني ايه هعمل لايف ثاني على طول بعديه وتخشوا عليه على طول. هتلاقوا افتح لايف ثاني. لا قدر الله يعني ان شاء الله ما يقطعش - [00:07:00](#)

قول الله تعالى قل ان صلاتي ونسكي ومحياي ومماتي لله رب العالمين. طيب نمسك كلمة كلمة. قل ان صلاتي اصلي لله. ماشي ونوسكي نسكي بقى عبدتي زبحي لله. ماشي. ومحياي لله ماشي. بس مماتي - [00:07:19](#)

ازاي ربنا بيقول مماتي لله. طب انا اصلا لا املك موتي. ولا اعرف متى اموت. ازاي ازبط ان مماتي لله يبقى ده بيخليك تفتح افاق تفكير هو ليه ربنا امرنا بامر - [00:07:38](#)

احنا اصلا ما نملكوش لا يبدو اننا نملكه. كيف نملكه؟ نملك ان نعيش من حقق قل ان صلاتي ونسكي ومحياي حقق الله له مماته قل ان صلاتي ونسكي ومحياي حقق الله له الرابعة. بقاعدة عظيمة جدا في الاية ديت. حقق الثلاثة ربنا يكرمك بالرابعة - [00:07:53](#)

ثاني اكتبوها ديت واحفزوها. قل ان صلاتي ونسكي ومحياي ومماتي لله رب العالمين. القاعدة حقق اول ثلاثة ربنا يكرمك بالرابعة تعيش لله نسك لله صلاة لله اخلاص ربنا سبحانه وتعالى يكرمك ان تموت على على ما عشت عليه - [00:08:14](#)

تمام يا احباب؟ فده من الحاجات اللي بتخليك يعني تفكر ازاي انا فعلا اختار ميتة لله سبحانه وتعالى ان الذين قالوا ربنا الله ثم استقاموا تتنزل عليهم الملائكة الا تخافوا ولا تحزنوا وابشروا بالجنة - [00:08:38](#)

التي كنتم توعدون. والنبي عليه الصلاة والسلام يقول ان الله اذا آآ آآ احب عبدا غسله. عارفين في الحديث ده جميل قوي قال النبي عليه الصلاة والسلام ان الله اذا احب عبدا غسله - [00:08:56](#)

قالوا وما غسله؟ يعني ايه غسله وقال النبي صلى الله عليه وسلم يوفقه لعمل صالح ثم يقبضه عليه يوفقه لعمل صالح ثم يقبضه عليه. طب امتي ربنا يعمل معك كده - [00:09:13](#)

ده بيرجعنا لنفس النقطة. انا عايز اختار دي عايز يبقى مماتي لله. ازاي؟ اذا احب الله عبدا طيب ربنا يحبني ازاي؟ حاجات كتير بقى. شف كل الصفات اللي ربنا بيحبها في القرآن والسنة. بس من الحاجات المهمة جدا اللي احنا حافزينها. قول الله - [00:09:35](#)

سبحانه وتعالى في الحديث القدسي ولا يزال عبدي يتقرب الي بالنوافل حتى ايه؟ احبه. ما تقرب الي عبدي بشيء احب الي مما عليه. ولا يزال عبدي يتقرب الي بالنوافل حتى - [00:09:52](#)

احبة يبقى مجرد ان انا اعيش بعمل الفرائض واعيش بطبق سنن ده يخلي ربنا يحبني. طب لو ربنا حبني من ثمرات ان ربنا يحبني ان ممكن يحصل لي الحاجة ديت - [00:10:06](#)

ربنا يعسلني. ما معنى غسله؟ يوفقه لعمل صالح ثم يقبضه عليه. يقبض عليه. فنسأل الله سبحانه وتعالى ان معسلنا جميعا ربنا يعسلني. ويا رب يعسلكم. ويا رب يقبضنا على عمل صالح ويكرمنا به. اللهم امين. طيب - [00:10:19](#)

آآ مسألة مهمة يعني عشان برضو بعض الناس بتقلق من الموضوع دوت. بعض كان جالي برضو سؤال شاب قال لي هو انا هو آآ انا آآ هو لو واحد قبل ما يموت - [00:10:42](#)

ما قالش لا اله الا الله. هل دي خاتمة سيئة؟ هل كده مش كويس يعني؟ مات عادي يعني مات مات على فراشه عادي. دي مسألة مهمة جدا. عشان برضو ما نخوفش - [00:10:52](#)

الناس قوي يعني. هل معنى ان انا ما متش ساجد او ما متش قائم او ما متش بادعو الى الله او ما متش بقراً في المصحف؟ انا كده مش كويس انا مت على سرير عادي ما فيش اي حاجة - [00:11:02](#)

هنا يا جماعة الخواتيم تنقسم الى ثلاثة انواع. هناك خاتمة ظاهرة الحسن وهناك خاتمة زاهرة السوء وهناك خاتمة صامتة صامتة خاتمة زاهرة الحسن اللي احنا عارفينها مات ساجد مات راع مات بيقراً قرآن الكلام دوت - [00:11:12](#)

خاتمة زاهرة السوء ماتت بترقص مات بيغني مات بيشرب مات بيزني مات بيعمل عادة السيئة ده زاهرة خاتمة خاتمة زاهرة السوء في بقى في النص ما بينهم الخاتمة الصامتة. ايه الخاتمة الصامتة دي؟ اللي هو لا كده ولا كده. يعني هو ما ما عملش حاجة يعني جامدة كده قبل ما يموت ما قلش لا اله الا الله ومات مسلا - [00:11:31](#)

ما كانش بيقرا في المصحف ومات لأ. هو راجل عادي جدا قعد على كرسي مات. آآ كان ماشي في الشارع خبطته عربية مات. يعني ما فيش ما فيش حاجة حصلت اوي ذات شأن يعني. هنا الخاتمة الصامتة دي ما تخافش. يعني يعني هنعسب صاحبها على ايه؟ او يغلب على زنا ايه؟ ان هو تمام كده ولا مش تمام - [00:11:51](#)

هنا هنرجع الى شهادة الصالحين عنه شهادة مين؟ الصالحين تاني شهادة الصالحين عنه. فاذا شهد له الصالحون والناس الطيبة بانه رجل طيب وصالح فانه كذلك عند الله تعالى. نرجو له ذلك. واما اذا شهد له الطيبون الصالحون بانه كان شخص ظالم شخص مؤذي شخص مفسد. شخص سيء - [00:12:11](#)

خلق شخص لا يحتمل للاسف هذا شأنه عند الله. مرت جنازة على النبي عليه الصلاة والسلام والصحابة اثنوا عليها خيرا. فقال النبي وجبت. ثم جنازة ثانية فاثنوا عليها شرا فقال وجبت. قالوا يعني ايه وجبت يا رسول الله؟ قال اما الاولى فاثنيتم عليه خيرا فوجبت له الجنة. واما - [00:12:39](#)

الثانية فاثنيتم عليها شرا فوجبت لها النار انتم شهود الله في الارض. طبعا والشاهد ده لازم يكون فيه شروط. الشاهد ده لازم يكون رجل عدل صالح راجل طيب تمام فالمهم يعني ان من الحاجات اللي تساعدني ان ربنا يجعل مماتي لله انه يعسلني وكيف يعسلني -

[00:13:01](#)

ارسلني اذا احبني وكيف يحبني يحبك اذا التزمت الفرائض واجتنبت المناهي وفعلت المستحبات وتركت المكروهات الامر سهل لكن يعني الموضوع مش معجزة يا جماعة. والله بنشوف ناس عادية خاتمتها جميلة. بس عادية يعني ايه؟ يعني راجل كويس بيعمل الفرائض. يعني انا عايز اقول لك حاجة مهمة. ان موضوع الخاتمة الحسنة مش لازم تبقى حاجة سوبر يعني - [00:13:21](#) مش قادر يبقى فظيع لأ لأ بعض الناس بيعقدها على نفسه. فاكرا ان انا عشان آآ اخذ الخاتمة دي لازم بقى ابقى حاجة رهيبة جدا. لأ انك انت تبقى رجل صالح. تبقى امرأة صالحة - [00:13:46](#)

النبي عليه الصلاة والسلام يوصف المرأة الممتازة جدا. اذا صلت المرأة خمسها واطاعت زوجها وصام صامت شهرها. واطاعت زوجها حصنت فرجها خلال بتطيع الزوج تصلي خمس صلوات في وقتها بخشوع وتدبر بتصوم رمضان وبتحصن فرجها بكل معاني تحصين الفرج - [00:14:01](#)

يعني لا بتعرف ولاد ولا بتصاحب ولا بتتلمس ولا ولا بتزني ولا فواحش ولا اباحية ولا بقى مقدمات ذلك ولا متعلقة بمغني ولا بقى شغل البى تي اس ومصاحبة ومعلقة واحد في البى تي اس ومعلمة عليه - [00:14:25](#) حصنت فرجها. قيل لا ادخلي المياه ولا الجزء. انا بقول لك ليه ده انا بفتح لك باب الامل يعني. يعني يعني والله شفنا ناس عادية جدا ناس طيبة خالص ختم لها - [00:14:44](#)

خواتيم فاخرة للغاية. وبرضو حنضيف بعض الاسرار واحنا شغالين بس ايه خيلنا نركز مع بعض طيب آآ في بعض الناس احكي لكم شوية قصص كده عشان تتشوق بس واحيانا القصص بتبقى ابغ من الموعظة نفسيا - [00:14:54](#) وعشان تربط بين القصة وبين وبين الشخص نفسه هحكلك بعض القصص المعاصرة وبعض القصص الالية الصحابة اول حاجة كان رجل آآ باكستاني يدعى نادر شاه راجل باكستاني دي قصة كده - [00:15:23](#)

سبحان الله يعني كان الناس هو كان سواق سواء في باكستاني في السعودية سواء وكان اللي بيركب معه بيتعجب منه جدا بيقول ما يعني كل راعي كان معه يقول هذا رجل عجيب في امر الصلاة - [00:15:51](#) اذا حضرت الصلاة مهما كان السفر مهما كانت المسافة مهما كان الجو مهما كان الوضع مهما كان اي شيه يركن ويقف ويصلي لازم عنده تعظيم عجيب لامر الصلاة حضرت الصلاة يصلي على طول - [00:16:07](#)

ما يقصر في الصلاة. فجر ظهر عصر عشا ومهما كان برد مطر ما يفرق معه حافز على الصلاة جدا هذا الرجل يحكون عنه انه في يوم من الايام في صلاة الفجر ركن سيارته - [00:16:30](#) نزل يصلي ومات وهو ساجد مات وهو ساجد هل احكي لكم قصة سمعتها باذني من اه جار لي سبحان الله يعني لي جار اخ ملتزم يعني بيعمل في المعمار بيعمل في المعمار شغال في - [00:16:51](#)

على مين شغالين هم في العلمين ببينوا آآ مدن وكده يعني جاءني يوم بيكي بيكي قلت له في ايه؟ قال لي النهاردة شفت خاتمة اشعراني الى الان. يعني انا مش عارف مش قادر انا مش قادر اصدق - [00:17:17](#) ايه اللي حصل؟ تقولوا ايه اللي حصل؟ قال لي عندنا اخ يعني قعد يوصف لي ادبه واخلاقه حرصه على الصلاة وحبه لله سبحانه وتعالى. بيقول لي شخص عادي جدا عامل - [00:17:31](#)

عامل في معمار. مش بقول لك بقى لا شيخ ولا داعية ولا الاخت فلانة ولا المحفظة مش ضروري مش ضروري. بيقول لي عامل عامل عندهم في المعدة عمار عامل عادي جدا. بيقول لي يعني يعني بس كان يعني تشوفه فعلا فعلا بيحب ربنا. وفعلا بيموت في الصلاة. بيقول لي حصل حاجة - [00:17:41](#)

عجيبة يعني صعبة جدا ان هي تحصل. بيقول لي الراجل ده يعني حضرت الالية الصلاة فكان عايز يصلي يعني. فرش عادي كده وصلى. المهم ايه صلى في ايه يعني كان فيه معدة - [00:18:01](#) آآ معدة آآ الة يعني كبيرة جدا كده بتتسائل ان هي بتقاد كده لها جرارات تحت هو يعني خدها سترة وصلى اليها المهم سبحان الله ايه اللي حصل ان سواق المعدة ديت كان عايز يتحرك في اللحزة ديت والراجل ده بيصلي. طبعا عشان هو سجد - [00:18:15](#)

سجد ما كانش حد شايفه في المראה ولا حد حاسس به. راجل شغل المعدة ورجع لورا بيقول لي داس بالمعدة على دماغه وظهره. وهو ساجد. بيقول لي والله المعدة طلعت من فوقيه وهو منطبع على الارض ورأسه - [00:18:33](#)

وانفه الى الارض كما كان ساجدا. والله شيء يقشعر جدا. بيقول لك راجل عامل في معمار ولكنه يحب الله سبحانه وتعالى تعالى نطلع بقى حاجة عالية شوية الى العلامة الامام الفخم ابن عثيمين رحمة الله سبحانه وتعالى عليه. ابن عثيمين ده - [00:18:53](#)

العجب العجاب بقى. ابن عثيمين يا جماعة طبعا مش محتاج يعني مش محتاج تقول مين ابن عثيمين الذي عاش طوال حياته يعلم الناس ويدعو الى الله ويرفع الجهل عن الجهلاء ويدافع عن العقيدة وينصح ويربي ويؤدب ويصحح - [00:19:13](#)

نقح ويدافع ويفقه وفتاوى ابن عثيمين ملأت السهل والوادي. ويعني ما في نعلم احد له فضل على آآ طلبة العلم في العصر حديس مسل هذا الرجل الفخم الضخم ابن عثيمين عليه رحمة الله. ابن عثيمين في اخر حياته مرض. عادي مرض دخل المستشفى. وكان هو - [00:19:33](#)

طبعا يعني آآ له درس في الحرم سابت. وكانوا في رمضان في رمضان له درس في الحرم. فمرض فراح المستشفى. راح المستشفى قعد فيها سبع ساعات بالظبط. بعد ما قعد سبع ساعات حس ان هو فاق شوية. فقال رجعوني تاني. رجعوني تاني الحرم قد الدرس بتاعه - [00:19:53](#)

بتاعي قالوا له يعني خلاص خليك في المستشفى. قال لي لا والله والله لا روح الحرم. واقسم عليهم وما يعرفوش يتكلموا معه. وفعلوا خدوه غصب عنه. ما حدش يقدر يكسر كلام العثيمين - [00:20:12](#)

وراحوا به الحرم ودخلوا به الدكاترة والدكاترة محوطين عليه. وفعلوا قعدوا جنبه وادى الدرس في الحرم ورا الدرس كان يخلص الدرس يرجع مستشفى. خلص في المستشفى يجي وقت الدرس يروح الدرس. وبعد كده يرجع المستشفى. وهكذا كان ابن عثيمين بين المستشفى وبين اليايه؟ الدرس - [00:20:22](#)

مرة في اسناء درس الدرس طول. وكان الاطباء قالوا له احنا محتاجين دلوقتي حالا لان باين عليك في ارهاق محتاجين نعمل تحليل دلوقتي حالا. لازم تسيب درس ونرجع نأخذ منك عينة. قال انا مش هسيب الدرس خدوا العينة وانا شغال في الدرس. والراجل انا بقول لك دي بيحكياها تلميز من - [00:20:42](#)

ميزة في فيديو بيقول الاطباء خدوا العينة والشيخ بيدي الدرس ولم يبالي ولم يلتفت اليهم. سبحان الله! ثم في اخر ليلة من رمضان وهذا من العجب اعجب ليلة. في اخر ليلة من رمضان مرض الشيخ مرض اشتد عليه اليايه؟ اشتد عليه المرض. راح - [00:21:03](#)

آآ رجعوه تاني المستشفى. وبعد كده اتحسن شوية وفاق وبدأ يعني يلاقي نفسه شوية. قال رجعوني الحرم. قالوا له دي اخر ليلة يعني اخر ليلة قيل خلاص اخر ليلة اخر تهجد اخر حاجة اخر درس مش ضروري. قال مش ممكن. وفعلوا اصر وراح الحرم. الاطباء بيقولوا كانت حالته صعبة جدا لدرجة - [00:21:23](#)

من الاطباء كانوا داخلين المسجد يومها ومعهم كل المعدات. مستعدين لاي حاجة. وكان الطبيب بيحط الاكسجين على اه فم ابن عثيمين ازا سكت وازا تكلم نزع. يعني كان في الاخر في فتاوى. الشيخ كان يجاوب على فتاوى. لما الراجل يسأله يحط له الاكسجين بسرعة. لما يجاوب - [00:21:43](#)

قولوها له لما يتسأل يحطها له لما يجاوب يشيلوها له. وزل ابن عثيمين بيقولوا ادى درس من اروع دروسه في اليايه؟ في اليوم دوت وكانت اخر ليلة في رمضان. وبعد - [00:22:03](#)

كده لما اخلص الدرس التفت للناس قال شفتكم بقى كنتم هتضيعوا علينا الخير ده كله. رجع المستشفى ومن يومها ما قدرش يدي ولا درس ودخل في غيبوبة فترة الى ان لقي الله سبحانه وتعالى. الطبيب الملازم له بيقسم - [00:22:13](#)

انه كان بيسمع ابن عثيمين وهو في الغيبوبة يعطي درسا كاملا درس ويفند ويحلل ويقول ادلة وهو تحت الغيبوبة الى ان مات رحمة الله تعالى عليه. مات بداء البطن ومات شهيد - [00:22:29](#)

ويحكي تلميز له يقول كنت مع ابن عثيمين يوما فقال لي يا بني والله اني لاسأل الله ان اموت شهيدا فنال الشهادة رحمة الله سبحانه

وتعالى عليه. فهذا ابن عثيمين رحمة الله عليه. من الخواتيم العجيبة الفاخرة - 00:22:46

انا عايز اقول لك ايه في انا ليه بحكي لك الخواتيم دي؟ انا مش بحكي لك خاتمة حسنة بس لا في ناس اعلى من كده في ناس وصلوا الى مرحلة صناعة الخاتمة - 00:23:03

يعني ايه صناعة الخاتمة؟ يعني هو مختار الخاتمة بتاعته يعني وصل لدرجة مع الله سبحانه وتعالى ان هو كمان مع حسن زنه يعني بالله سبحانه وتعالى بيقول يا رب انا نفسي في كذا - 00:23:17

وتحصل اقول لك حاجتين الاولانية عمر عمر بن الخطاب رضي الله عنه وارضاه. عمر بقى عجيب اختار خاتمة يعني كأنه انا لما احكيها لك انت مش هتصدق. مش هتصدق كأنه بيرسمها رسم - 00:23:31

وكانه بيحدد ملامحها عمر بن الخطاب وهو ماشي مع تلميذ له اسلم فقال اللهم اني اسألك شهادة في سبيلك وموتى في بلد نبيك اللهم اني اسألك ايه؟ شهادة في سبيلك وموتى في بلد نبيك. فقليل له كيف ذلك؟ - 00:23:47

انتم عارفين المشكلة ازاى تموت في المدينة وتموت شهيد في نفس الوقت. هم فاهمين الشهادة يعني ايه؟ يعني في معركة. قتال. وما فيش قتال في المدينة. القتال بيبقى خارج المدينة في الفتوحات - 00:24:10

ازاي تموت جوة المدينة وفي نفس الوقت تموت شهيد؟ قالوا ازاى الاتنين دول يحصلوا؟ مع بعض فقال عمر يقدر الله على ذلك ان الذي جاء بعمر الى الاسلام وجاء بعمر من مكة الى المدينة لقادر على ان يأتي لعمر بالشهادة الى المدينة - 00:24:22

هو عايز يموت شهيد وفي المدينة خد بقى الثانية خد بقى بقية الرسمة عمر في اخر سنة في حياته في موسم الحج سمعه احدهم يقول اخر سنة في حياته وهو في موسم الحج دعا دعوة - 00:24:43

قال اللهم اني اسألك اللهم قد كبر سني ورق عظمي وكبرت ريعتي وكبرت ريعتي. فاللهم اقبضني اليك غير مفتون. اللهم اقبضني اليك غير مفتون السنة دي هي دي اللي مات فيها عمر رضي الله عنه وارضاه. خد بقى الثالثة الاجم - 00:25:00

عمر رضي الله عنه وارضاه كان عارف اصلا ان هو هيموت مقتول. لان النبي عليه الصلاة والسلام آآ اشار اليه في احاديث فهم منها ان هو كده هيموت مقتول. فقال عمر يوما - 00:25:24

في حديث صحيح قال اللهم لا تجعل موتتي اللهم لا تجعل موتتي على يد رجل سجد لك سجدة واحدة. اللهم لا تجعل الموتة على يد رجل سجد لك سجدة واحدة - 00:25:34

حصل ايه بقى يا جماعة؟ حصل ان عمر رضي الله عنه بعد موسم الحج مباشرة صلى بالناس الفجر فطعنه ابو لؤلؤة المجوسي ابو لؤلؤة المجوسي فمات عمر مقتول وظلم وهذه شهادة. مات في المدينة مات في نفس السنة اللي دعا بها فاقبضني اليك غير مفتون - 00:25:50

قتله ابو لؤلؤة المايجوسي الذي لم يسجد لله سجدة واحدة عشان تعرف الناس بيتكلموا في ايه بس ده عمر احنا عايزين بس يعني ربنا يسترها علينا. بس انا بحاول ايه؟ احيانا التحفيز بييجي من قصة - 00:26:09

لازم نقعد نفصص كتير خد الخاتمة الفاخرة ديت سعد ابن معاذ سعد ابن معاذ ده بقى ايه اللي اهتز الموت عرش الرحمن؟ سعد بن معاذ اللي يوم ما اسلم اسلمت المدينة - 00:26:30

سعد معاذ بقى كان بيفصل برضو. فصصها خالص سعد ابن معاذ اشترك في غزوة الاحزاب في غزوة الاحزاب ضربه رجل بسهم فاصابه في ايه وريد كده عنده كانت اصابة في تحت كده في في قدمه بس الاصابة ما كتش كبيرة يعني مش - 00:26:41

مش ما تموتش يعني المهم سعد بن معاذ لما شاف الدم كده وبتاع حسان دي اصابة فرفع يديه الى السماء قال اللهم ان كانت بص بقى للنقاوة تحديد الشديد اللهم ان كنت ابقيت حربا. انا عايزك تركز في في التفاصيل - 00:27:01

اللهم ان كنت ابقيت حربا بين نبيك وبين قريش فابقني لها فانه لا قوم احب الي من ان اقاتلهم من قوم كذبوا رسولك واذوه واللهم ان كنت انهيت الحرب بين نبيك وبين قريش فاقبضني اليك. خلاص كفاية كده. ولكن خد بالك من ولكن لا تمنني - 00:27:21

لا تمنني لا تمنني حتى تقر عيني من بني قريظة. بني قريظة اليهود اللي خانوا النبي عليه الصلاة والسلام في الاحزاب. حصل ايه بقى؟

حصل ان فعلا فعلا يوم الاحزاب ده كان اخر معركة. اخر معركة بين النبي عليه الصلاة والسلام وبين قريش بالفعل. ما فيش معركة تاني كانت بعد الاحزاب - 00:27:48

الحاجة الثانية ان النبي عليه الصلاة والسلام بعد ما ما فرغ من الاحزاب فعلا التفت لبني قريظة وحاصرهم لدرجة لغاية ما ان هم طلبوا الحكم وطلب هم نفسهم طلبوا ان سعد ابن معاذ هو اللي يحكم عليهم. فجابوا سعد بن معاذ وحكم عليهم ان تقتل الرجال وتسبى النساء والزرية - 00:28:08

فقال النبي عليه الصلاة والسلام لقد حكمت فيهم بحكم الله تعالى من فوق سبع سماوات. دخل سعد بن معاذ الخيمة بتاعته اللي بيمرض فيها فلما دخل الخيمة انفجر الجرح ومات سعد بن معاذ واهتز لموته عرش الرحمن. ايه ده - 00:28:28

ايه ايه ايه ايه يا جماعة هو في ايه في ايه احنا فين من الناس ديت احنا فين؟ من الخواتيم ديت. من عاش على شيء مات عليه. الشيخ عبدالحميد كشك امام المنابر ومن اعظم خطباء المعاصرين - 00:28:46

قام يوم الجمعة اتوضا عشان يستعد لصلاة الجمعة اللي هو متعود عليها. صلى ركعتين بعد الوضوء مات في الركعة الثانية وهو راکع الشيخ محمد الغزالي رحمه الله تعالى كان بيدعو الله سبحانه وتعالى ان يموت في المدينة وان يدفن ان يدفن في المدينة. فكان اهله يقولوا له ازاى يعني انت راجل مصري وعاش في مصر؟ ذات الدفن في المدينة يعني. فكان - 00:29:02

في مؤتمر في الرياض مؤتمر في الرياض عن الاسلام وكده يعني. فكان مدعو اليه محمد الغزالي رحمه الله تعالى. وكان يتكلم اخر كلمة قالها يتكلم في قضية التوحيد ونشر لا اله الا الله. فلما انهى المحاضرة دخل في آآ اصابته نوبة قلبية ومات على اثرها وامر - 00:29:28

ملك بنقل محمد الغزالي الى المدينة ليدفر بجوار النبي عليه الصلاة والسلام بجوار الصحابة الكرام اه من عاش على شيء يا جماعة مات عليه. من عاش على شيء مات عليه. فانا - 00:29:48

خلينا نختصر عشان ما اطولش عليكم. ونقوله كيف نصنع الخاتمة الفاخرة؟ اول شيء ان تخلص الله في هذا الامر. وعموما يكون واحد الاخلاص. تمام الاخلاص تخلص لله في هذا الامر جدا. ويكون هذا فعلا صدقا من قلبك - 00:30:08

وهذا الصدق والاخلاص سيظهر في افعالك. فلا تحدسني عن شخص كسلان بطل مقصر في الصلاة مقصر في الصيام مقصر في اعمال الخير مقبل على المعصية مدمن عادة سيئة مدمن مخدرات مدمن سجائر متبرجة ثم هو يماني نفسه صباح مساء بالخاتمة - 00:30:31

الجميلة السعيدة. هيهات هيهات. هذا كمن يماني نفسه بزرع بدون حرص وبدون مطر. وكمان يماني نفسه بالولد بدون زواج لازم يا جماعة ايه ده! ده النبي عليه الصلاة والسلام قال للصحابي اللي طلب منه يدعي لي بالجنة. قال له ادعي لي بالجنة. كان ممكن يدعي له بالجنة وتخلص. بس عايز يعلمه ان هي مش آآ لازم - 00:30:51

حاجة منك برضو. لازم حنة منك ربيعة بن كعب الاسلمي معروف. فقال يا ربيعة سلني ما شئت. قال اسألك مرافقتك في الجنة. سهل قوي كان يقول وخلاص لا لازم اعلمك لازم حنة من عندك. العملية مش بالتمني ولا مجرد انا ايه بقول كلام حلو وبكتب بوستات حلوة - 00:31:14

قال اعني ساعد نفسك على نفسك بكثرة السجود. الاخلاص والصدق هيبان افعالك واقوالك في القرارات اللي هتاخذها دلوقتي حالا من بعد اللايف دوت ازاى من النهاردة ساصنع لي خاتمة فاخرة فاخرة - 00:31:34

حتى لو مت موة صامتة. هموت وانا ربنا راضي عني. ما فيش مشكلة. بس انا مستحيل ان شاء الله ان شاء الله حسن زني بالله انا لن اموت ميتة سيئة ابدا. وساعمل - 00:31:53

ذلك اعمالا كثيرة من اليوم وسأترك ما اقدر عليه من الذنوب والمعاصي. واتقي الله قدر المستطاع. وازيد في النوافل واقلل من المكروهات انا هحضر بحضر لان حسن الخاتمة يا جماعة انا بسميها زي ما انتم عارفين مكافأة نهاية الخدمة - 00:32:03

دي مكافأة نهاية الخدمة. الزين قال يثبت الله الذين امنوا. امنوا ها؟ بالقول الثابت في الحياة الدنيا في الآخرة ويضل الله الظالمين

ويفعل الله ايه؟ ما يشاء. اول حاجة الاخلاص - 00:32:21

نمرة اتنين ان تجعل شرك افضل من العلانية. ياه لو عرفت اعمل دي لو عرفت تعمل دي انت انت خلاص كده خاصة لو على نيتك كويسة يعني. يعني طبعا لو علانيتك وحشة ما بتتكلمش عن كده. كلم واحد على نيتك كويسة. الناس تعرف عنه خير. لأ - 00:32:35
انا عايز اللي ما يعرفهوش اكثر من اللي يعرفوه يعني لو انت بتصلي الفرض قدام الناس في المسجد ولازم تصلي في المسجد قدام الناس. بتصلي في البيت نوافل اكثر من ركعات الفرض - 00:32:55

لو انت في الدار بتقري حزب ولا في المقرأة بتقراي حزب وسط الاخوات مع نفسك بتقرأ جزء وجزئين ما حدش يعرف عنهم حاجة وبتقومي لو الناس تعرف عنك صدقة في صدقتين ما يعرفوهاش - 00:33:10
لو الناس تعرف عنك آآ صلة رحم فيه صلتين ما يعرفوهاش. لو الناس تعرف عنك اخلاق حلوة في اخلاق ما بيشوفوهاش دايمًا جوة واللي انت بتطلعه بينك وبين ربنا اكثر من الناس تعرفه - 00:33:26

حياتك مش هينفع تكون بوستات. حياتك مش هينفع كلها نشوفها فيديوهات. حياتك ما ينفعش كلها تبقى منشورة صور على اللايف. صور على السوشيال اجعل لك خبيئات خبيئات من اعمال صالحات. زي ما ذنوب الخلوات سبب للانتكاسات. كذلك طاعات الخلوات والخبيئات - 00:33:43

سبب للثبات وحسن الخاتمات اجعل شرك خيرا من العلانية. كان يقولون عن الامام ما لك الامام ما لك فخم. كانوا يقولون كنا نرى ان ما لك رحمه الله تعالى ليس كثير الصلاة ولا كثير الصيام. ولكننا كنا نرى انه ارتقى - 00:34:02
بسريرة بينه وبين الله يعني يقول الامام مالك ما كانش حاجة جامدة قوي في الصلاة والصيام يعني فيه احسن منه. وفيه ائمة اكبر اكثر منه في العباداة. لكن ليه هو عدى كده - 00:34:25

قالوا لان بينه وبين الله ايه سر سر بينه وبين الله سبحانه وتعالى في سريرة فاجعل بينك وبين الله سريرة. ما اجمل الخبيئات! وما اجمل الاعمال الخفية من استطاع منكم في الحديث من استطاع منكم ان يكون له خبء خبء من عمل صالح - 00:34:36
فليفعل وزى ما الخواتيم السيئة سببها دسياسة ودفيئة خبيثة في نفس الانسان. كذلك الخواتيم الحسنة سببها دسياسة ودفيئة جميلة من العمل الصالح والعمل السري والصدقة السرية والصلاة في جوف الليل والذكر اللي ما حدش يعرف عنه حاجة والاخلاق اللي ما حدش اللي هي - 00:34:56

اكتر بكتير من الناس بتشوفها حاول انشغل بنفسك شوية مش كل حاجة بتعملها لازم نشوفها. مش كل ما تعمل طاعة تعرفنا. مش كل ما تعمل خير لازم كل الناس تعرفه بالصور بالفيديوهات بالنشر - 00:35:19
مش لازم خبي كثير اللي تقدر تخبيه خبيه واللي زهر غصب عننا زهر ما هي صلاة الجماعة بتزهر وصيام رمضان بيزهر والحج بيزهر والعمرة بتزهر. ما لهاش حل طب خبي بقى اللي تقدر عليه - 00:35:35

دعوات بينك وبين ربنا كثير. ساعات من الخلوة بينك وبين الله ما حدش يعرف عنها حاجة. اجزاء من القرآن ختمات ما حدش يعرف عنها حاجة صدقات سر كفالات ايتام ما حدش يعرف عنها حاجة - 00:35:50
خلي لك سريرة اكبر من العلانية دي نمرة اتنين نمرة ثلاثة اجعل لسانك دائما رطبًا من ذكر الله تعالى. واحنا مشكلتنا ايه يا جماعة في الخاتمة ان الموت بيأتي بغضة. مش كده - 00:36:04

بغثة طب لو انا لساني على طول رطب. رطب يعني ما بينشفش. رطب ما بينشفش ده مجاز او كناية مع ان هو على طول شغال رطب من ذكر الله. فنحن على الانسان على طول بيزكر ربنا - 00:36:23
ملك الموت جالي في اي وقت خلاص ما فيش مشكلة. انا جاهز انا جاهز يجي لي في اي وقت هتلاقيني الوصية الرهيبة النبي عليه الصلاة والسلام الراجل قال له اوصني - 00:36:40

قال له اوصني. قال له وصية واحدة بس ففعلا ادى له وصية. خلاصة الخلاصة. لان دي بتضمن لك موتى فاخرة لا يزال لسانك رطبًا من ذكر الله كان احد الصالحين بيحكى عن الشيخ ابن باز بيقول قعدت جنبه وهو بياكل. فكان - 00:36:53

ياكل اللقمة يقول بسم الله. يخلصها يقول الحمد لله. يبجي ياكل تاني يقول بسم الله. يخلص اللقمة يقول الحمد لله. فالراجل قال له هو لازم يعني هو المفروض ان احنا كل - [00:37:15](#)

يعني كل مرة نقول بسم الله والحمد لله قال له مش لازم. قال له ولكن زكر واكل خير من صمت واكل هنشوف يعني هزكر ربنا وانا باكل احسن ما ما اقولش خالص. يعني اسكت. فبيقول له مش لازم بس انا حاجة بعملها كده علشان لساني على طول يفضل شغال بذكر - [00:37:25](#)

نمرة اربعة اجعل يومك مزدحما مزدحما بالطاعة يومك يبقى مزدحم بالطاعة. يبقى فيه برنامج يومي. شاغل لي الاربعة وعشرين ساعة. شاغلها لي نفسك ان لم تشغلها ان لم تشغلها بالطاعة شغلتك ايه؟ بالمعصية ان لم تشغلها بالحق شغلتك بالباطل. خلي امك مشغول كده. مشغول. فيه بقى عبادة وصلاة هنا - [00:37:43](#)

وردي هنا ومراجعة هنا وقيام هنا وفي دورة محضرة هنا وفي درس بسمعه بالليل وفيه كتاب عايز اخلصه فيه مذاكرة بنية صالحة وباروح شغلي بنية صالحة وبربي ولادي وبافسح ولادي باكل آآ زوجتي اعمل حاجات كتير - [00:38:15](#)

خلي بالك من مشغول تحس ان ملك الموت جالك في اي وقت تمام تعالى بتصلي هيلايك بتقرا قرآن هيلايك بتحضر درس هيلايك بتلاعب زوجتك ما هو ده عمل صالح هيلايك بتربي ولادك عمل صالح هيلايك في الشغل - [00:38:32](#)

بنية طيبة بتتقي الله في شغلك عمل صالح. هيلايك في مزاكرتك ناوي نية طيبة ما هو عمل صالح لكن لو يومك فاضي ما عندكش يوم ما عندكش برنامج يومي ما عندكش حاجة تشغلك هتبقى انت عندك احتمالين - [00:38:48](#)

تقرا قرآن وبتسمع اغاني بتصلي وبتشرب سجائر. بتحضري درس وبتلبسي بنطلون ضيق بتنزلي به في الشارع متبرجة وبتصلي. ليه دي هخلط ولما ملك الموت يبجي ايش ضام مني هيجي وانا بصلي ايش ضامني مش هيجي وانت لابسة لبس آآ مش كويس -

[00:39:03](#)

مش ضامنك هيجي لك وانت تسمع قرآن مش الغنا. مش ضامنك هيجي لك في المسجد مش في القهوة. خد بالك اشغل يومك اشغل نمرة خمسة حسن الزن بالله. دي سريعة. سريعة - [00:39:25](#)

حسن الظن بالله دايمًا خلي عندك حسن زن بالله. زي شفت الصالحين دول كلهم اللي قلت لك عليهم؟ كلهم كانوا هم كانوا بيتكلموا بقلب ليه كده؟ هم يعرفوا الغيب ما يعرفوش. بس حسن زن بالله - [00:39:42](#)

وادعي كتير بقى مع حسن الزن والعمل من حقه تدعي بقى زي ما انت عايز. قل يا رب موتني وانا ساجد يا رب. بس بشرط كنت سجودك كتير. قل يا رب موتني وانا بادعو الى الله. بس بشرط تكون فعلا بتدعو الى الله - [00:39:55](#)

قول يا رب اموت وانا بقرأ قرآن بس بشرط تكون تقرا قرآن كتير قل يا رب اموت وانا مسلا راکع. وانا بدي درس. بس تكون شرط تكون بتعمل كده كتير. اعني على نفسك. عايز تموت ازاي؟ عايز تموت على حالة - [00:40:09](#)

انشغل بها طول حياتك. من عاش على شيء ايه مات عليه. يبقى عندنا حسن زن بالله مع دعاء كتير اخر حاجة تخفف من حقوق الناس تخفف من حقوق الناس تخفف من حقوق الناس - [00:40:27](#)

مخ الناس تشمل ايه؟ الديون خفف الديون على قد ما تقدر. حاول ما تداينش الا للضرورة القصوى مع ان انت تكتب الدين وتوصي به دايمًا نمرة اثنين الغيبة اياكم والغيبة. الغيبة هتورطك. مش هتلاقي الشخص اللي ناس هتغتائبهم وانت مش هتشوفهم ولا هتتعرف

تعتزr لهم ولا هتتعرف تيجي - [00:40:46](#)

هتورط نفسك الغيبة الزلم الظلم والفساد قطع الرحم قطع الرحم قطع الرحم عقوق الوالدين عقوق الوالدين تخفف الناس اللي يقطعك يوصله. والدك والدتك مزعلاك برها. والدك بره احنا بنعامل ربنا. بنعامل ربنا استحمل - [00:41:10](#)

اعمل ربنا خلص انا مش عايز من الناس حاجة. مش هينفعوك بحاجة انا بعامل ربنا باخد حسنات. انا عايز ابقي خفيف. عايز اعيش خفيف واموت خفيف. عايز يوم ما اموت ما حدش عايز مني حاجة - [00:41:34](#)

يا بخط من بات مزلوم ولا باتش زالم. الناس بتقول كده يا بخط من مات مقتول ولا ماتش قاتل. خليك خفيف خليك عش في الحياة

خفيف. ما حدث عايز منك حاجة - 00:41:45

ما حدث يوم ما مت ليه عندك حاجة خفيف موت خفيف نصيحة والله يا اخواني كان احد العلماء في زمن الامام النووي زمن الامام

النووي وكان رجل عالم وراجل كان جميل وكل حاجة - 00:41:54

بس كان عنده مشكلة كان بيشتتم الامام النووي وكان بيكرهه فلما مات اندلع لسانه. يعني طلع برة كده زي الخرفان ما عرفش ينطق بلا

اله الا الله فقالوا كنا نرى ان الله قد فعل به ذلك بسبب وقيعته في الامام النووي - [00:42:10](#)

كنا نرى ان الله فعل به ذلك بسبب وقيعته. فى الامام النووى اياك تشتم شيخ ولا عالم خلى بالك الوقيعه فى الناس خفف نفسك على

قد على قد ما تقدر. شفنا اتكلما النهاردة فى الموضوع ده قلنا ايه كم نصيحة؟ اخلاص سر اعلى من العلانية - 00:42:32

لسانك قرأت من ذكر الله برنامج اليوم واليلة حسن الزن بالله مع الدعاء تخفف من حقوق الناس والعكس خلى لك عند الناس كثير

بقی بر کثیر صلۃ کثیر آ صدقات کثیر۔ سلف انت - 00:42:49

مش انت اللي بتستلف ارفع الظلم عن المظلوم. حاول تقلل الفساد وتحمى تدفع الظلم عن المظلومين العكس بقى اقول لكم اخر حاجة

وحقفل علی طول کان احد المشایخ وده واقعة حصلت قریبا یعنی - 00:43:06

بيقول انا رحت العمرة فكان معنا واحد فى العمرة آآ كان راجل طيب وكل حاجة بس كان مدخن يعنى ييشرب احيانا سجائر يعنى

ففيقول عادي هو كان راجل كويس في كل حاجة بس كان ايه كنا بناخد عليه دايما نقول له خلى بالك التدخين وبتاع احنا في العمرة

ومكة - 00:43:23

ما يقول كنا في ليلة سبعة وعشرين ليلة سبعة وعشرين. فانتم عارفين الناس بتصلي جنازات كل صلاة في مكة

فيه جنازات. فالمهم ليلة سبعة وعشرين فالامام قال الصلاة على الميت - 00:43:41

رحمكم الله. العادة النبوية يقول الصلاة على الایه؟ على الاموات الصلاة على الميت هو واحد بس فى ليلة سبعة وعشرين وواحد بس

اللى مات؟ اه واحد بس فى ليلة سبعة وعشرين اللى مات - [00:43:56](#)

فَيَقُولُ اَنَا اَنَا اسْتَغْرَبْتُ قُلْتَ يَا ه! وَاحِدٌ فِي لَيْلَةٍ سَبْعَةَ وَعِشْرِينَ دِي اَللّٰى فِيْهَا مَسَلَا اَتَيْنِ تَلَاثَةَ مِلْيُوْنَ يَبِصَلُوْا فِي رَمَضَانَ فِي مَكَّةَ فِي

الحرم فالشيخ يقول انا دماغي راحت مين ده الجميل ده اللى بنصلى عليه - [00:44:10](#)

رجع دماغه بقى مشغولة راجعة للفندق فيقولوا له آآ شيخ آآ مش مش تقول الحاج محمد الله يرحمه. قال لهم الحاج محمد مين قالوا

له ما انت صلينا عليه دلوقتى - 00:44:26

ييقول الحاج محمد مين؟ قالوا له اللي احنا صلينا عليه دلوقتى فى ليلة سبعة وعشرين قال لهم الحاج محمد حاج محمد حاج محمد

اللى بيشر السجائر فيقول هنا دماغى وقفت - 00:44:44

دماغی وقفت قلت اكيد الراجل ده وراه سر وانا مش ههدا لغاية ما اعرفه. بيقول انا رحت سألت على البلد اللي هو ساكن فيها. سأل

على البلد اللى هو ساكن فيها - 00:44:57

ووسافر له سافر البلد دي وراح لغاية ما وصل بيته وراح وسأل عليه. الراجل ده بيعمل ايه هيتجن كل الناس اجمعت على حاجة واحدة

حاجة واحدة قالوا عمرنا في حياتنا. عمرنا في حياتنا ما شفنا حد بار بامه زي الحاج محمد - 00:45:13

بيقول لما كانت تعوز حاجة اى حاجة مهما كانت لازم يجيبها لها مرة جاب لها جزمة لا مؤاخزة جزمة. هدية كان عزاها وراح بيقلوا

00:45:40 - نزل تحت رجليها وحط الجزمة فوق دماغه وقال لها يا امي خدي الجزمة من فوق دماغي -

وكان يببوس رجلها في نفس الوقت امه كانت بتحب تشوف الديبح في في العيد الكبير بتحب تشوف الخروف وهو بيتدبح. فكانت

00:46:01 - بتنزل في العادة تشوف الدبح وتطلع البيت. لما خيرة تعبت -

ما كنتش قادرة ان هي تنزل السلم. تشوف فى الدبح وتطلع يعمل ايه الحاج محمد؟ شال الخروف على كتفه وطلع به السلم لغاية ما

وصل لأمه. وديح الخروف قدامها علشان تشوفه - [00:46:18](#)

وبعد كده شاله ونزل به تانى شفاه تحت زى ما بنقول تخفف من حقوق الناس خلى بالك من قطع الرحم خلى بالك خلى بالك

بالك بنقول لك زود معاملتك الحلوة مع الناس في اخلاقك في برك في صلتك - [00:46:34](#)

في سلف انت الناس اعمل حاجات جميلة بس مش هطول عليكم اكثر من كده كفاية اتمنى من الله سبحانه وتعالى انه يعسلني

واعسلكم. ويرضى عني ويرضى عنكم ويجمعنا على الخير دايمًا. ويرزقنا حسن الخواتيم - [00:46:51](#)

ويمن علينا بطاعة وعبادة ترضيه سبحانه وتعالى. وانا والله بحبكم في الله. والله بنصحكم من قلبي. والله اتمنى لكم مسل ما اتمنى
لنفسي وارجو لكم الخير واوصيكم ونفسي بتقوى الله. وما تمشوش يا جماعة في الدوامة مش عشان الناس كلها بتعمل غلط نعمل

غلط. والله هتتحاسب وحدك. والله - [00:47:07](#)

والله هتقف قدام ربنا لوحدك. ما حدش هينفعك في قبرك خالف الناس استحمل التأنيس استحمل السخرية قاوم انت في الآخر
الكسبان او الخسران ما حدش هيزيدك ولا هيقللك. ربنا يرضيكم يا رب ويحبكم. انا اتمنى يكون الفيديو دوت. واللايف دوت يعني

لاقى عندكم آآ نفع واثر. وآآ - [00:47:27](#)

اكتبوا لي بقى المواضيع اللي تحبوا نقولها في اللايفات اللي جاية. وانا هاقرأها ان شاء الله سبحانه وتعالى. وانشروا الفيديو لاجابكم.

وربنا يرضيكم يا رب يحبكم. ويا رب يتوب علينا وعليكم - [00:47:49](#)

جزاكم الله خيرا السلام عليكم ورحمة الله - [00:47:59](#)